




石堂遺稿人

詩

~16
1010
3





石堂遺稿卷之五

詩

與從氏擊鉢拈韻賦箭野晚步

箭野茫無際箭湖新水生年年堤上柳日日送人行
酒幕多依浦薪車盡入城臨歧緬揚子遺恨幾時平

又賦蠡島風帆

高席西風晚清江二月春浦村多白雨沙岸少黃塵
隱見新郊柳留連舞鳥頻爾時渠一快還有沂流人

李平甫空家白杜鵑絕句

望帝春愁亦幾時微霜化盡雪兒衣畫欄遲日千蝴蝶



蝶懶向東風作隊飛

次舜咨暮春作

綠酒盈樽懶自傾
閉門微雨午眠成
朝廷美意寬民稅
章布深憂見物情
底得良朋消日月
且携稚子課陰晴
春來不向東園久
芳草萋萋滿地生

林處士重魯輓

謹重平生德掩才
東州茅屋近江開
鄉人識字知誰力
半是孤山門下來

其二

吾與大郎早結朋
石街村裏歷過曾
益知夫子治家

法五歲兒孫拜跪能

其三

長子文章筆似杠
常時詆謗溢驪江
曾無片語公身及
盡道斯翁獨謹庵

次舜咨獨坐作

寂寂書樓午無人
境更奇年華忙處失
物態靜中知
紅藥有時蝶青林
不斷鷓鴣柴門微
雨過芳草獨題詩

新郊楊柳歌

新郊楊柳箭水傍
五五十十羅成行
大株自足蔭方畝
小株猶堪車駟藏
低株繚若帷帶設
高株鬱如傘

石室遺稿 卷之五
蓋張遠株深濃近株淡離立田間儼相望晴江數里
迷雨氣曠野三時暮烟光柔絲綰住青春早密葉垂
作朱夏涼耕者就憇苦者饑更有射耦來舉觴行人
不絕東湖路指點遙識金氏莊此地舊采荆棘墟越
惟我祖初開荒高亭恰占山之半鉅川無能敵其陽
種柳橫絕三島風東起村頭西屬岡至今居然七十
年千條萬條拂地長村嫗里叟相呵禁山斤野火俱
莫傷摧滅不比蕪公栢愛護真同召伯棠伊余沉復
子孫心每到樹下重彷徨已喜百年羨蔭流却恐一
朝清德亡願僅立石表茲土丁寧勿爲風所僵且作

新郊楊柳歌留與後人垂無疆

七夕

萬林秋意老梧知微雨翻風過小池道是年年牛女
淚人間還有日晴時

秋夜

初月纖纖照半墻近前垂柳納微涼卧看斗柄三更
側插入西隣老樹長

小至夜作

憂患三秋迄至今不禁華髮鏡中侵風扉颯颯無停
馬暮樹亭亭有返禽圓月自分他夜色微陽欲發後

天心家人煮豆延新節病子聊爲閉戶深

次舜咨賞雪作

齊物曾吾笑今朝物可齊溪山同浩蕩林木與高低
大象元無間微塵了不棲晚來叫竒絕留月小橋西

次舜咨曉枕作

鐘鳴時刻斗西斜淡靄尋常擁萬家踈響靜聽窓外
雪清香細辨閨中花長街沉黑猶寒犬高樹微明已
早鴉朝起晏休聊爾爾此間強半送年華

獻叔祖

漁社休官早歲曾門前梨水白澄澄西江風浪幾時

歇北極星辰獨夜憑廷議頗推今李泌 聖心偏憶

古嚴陵世間齒爵都虛耳自是先生德業弘

安翊贊重觀輓

尋常酒所見平生傲氣崢嶸俗物驚未省沉冥眞害
事怪公涇渭自分明

雨

春雨崇朝下林樓客不知依微纔潤瓦宛轉恰霑池
暗逼花魂動頻添草色滋眞成不破塊還我茶初時

三日簡宋五以煥星齋居

寒食清明節序遷閑愁兀兀晝常眠一年花事高樓

上三日風光曲水邊
春雨無聲來到地
暮烟何意去
尋天携朋強欲登
丘壑外雙樽思悄然

初月

暗暗初緣嶺
依依漸上欄
和烟光淡白
經雨氣微寒
自照繁花靜
猶臨列宿殘
明生空碧外
贏得萬方看
林堂留金聖
文爇兩拈空
同韻

古巷蒼苔長
兒童見客稀
鳥聲春日靜
花氣午風微
短策違山閣
深樽倚澗扉
留君歡此夕
小弟郭村歸

其二

隣並蕪相好
逢迎不期
草香承座穩
雲影度杯遲

雨柳雙鳩入風花
一蝶隨韶光
今爛熳不醉更何時

四月九日仍上教放燈

齋室平明放從臣
王言一出動城闈
人間兩作懸
燈夕天上初過浴
佛辰萬井銀花看
較密三更水
聽愈新吾君不是耽
游賞自致昇平答小民

李秀才琰輓

苗而不秀理堪疑
七日新郎事處悲
記得先公置膝
語孩兒識字近生知

八月四日夜尹士重勉遠林樓小集用唐韻

萬木脩脩夕書樓到却閑寒
蟲秋自語棲鳥月俱還

言飲君家水留看企老山幽居隣並少礪戶畫仍關
癸酉七月叔祖退漁先生與同鄉牧谷李尚書
兄弟蟾樂閑都憲諸公做宋耆英故事會予驪
上以題名帖合酬唱詩文為一冊下示謹用極
祖好次言韓公古詩韻應命

驪州今洛邑老德萃茲地吾祖有三達諸公儼一會
通國猶為選同鄉絕可貴緩棹越平湖便與凌遠寺
題名已序齒設讌亦分次今人學古人後人視故事
本自重德行安復論文藝風流眷觀聽儀範足嘉惠
揭名霄漢上歛跡崑巖底玉帛交周野雲雷閱殷醴

小子非阿好家邦見行止恭喜竟盛世竄嘆老君子
歌詠俾不怠圖寫應復爾勗哉念終始流傳以千祀

冬日與舜谷夜過族叔元博氏墨溪新居尹體
健來會仍拈唐韻共賦

乘夜東林宿不還蘆溪駐馬十年間霜籬半繞羅含
菊風牖全遮謝眺山花樹城南稍做古笏樽河朔剩
偷閒高樓明月長如昨蒼髮燈前異昔顏

翌日又拈杜韻

尚有殘羞錯滿盤朝來勿遽覓歸鞍閉門謝客琴書
靜對酒論文韋布寬嶽老園亭煙外古石山楓菊雨

餘寒不因情話敦宗誼那得淹留半日歡

又拈正學韻

不作佳詩不放歸如君風味俗中稀近山只許雲參
座出谷還嫌雨濕衣歲暮松杉元直節天長鴻鴈盡
高飛卜鄰始獲從游願聞健壺鵬可自違

元博叔見在拈韻共賦

悄悄高齋夕棲鳥半繞城乾坤身計拙歲月鬢毛明
唯酒無過量為文不近名每從吾叔語自顧故家聲

仲冬三日元博叔舜咨容甫鎮大卜夜來會亂

拈明韻各賦四篇

往來成屢會居宅巷東西盤饌貧猶設筇藜暝不迷
寒鴉生遠郭老樹帶平溪初月林扉動君來已向低

右大復韻

小閣燈花落喬林露氣冥詩書身半老朋酒眼雙青
塵素流陳榻文玄掩蜀亭良宵動高唱星斗繞虛庭

右空同韻

未若談情穩燈前莫費吟多時書檯冷今夜酒樽深
湖海看豪氣文章識苦心棲遲同歲暮恐被鬢霜侵

右鼻州韻

諸子風流甚詩成不復看隣鷄孤燭下微霰五更寒

醉態頻遷座清諧或倒冠晨禽同出谷餘興未應闌

右滄溟韻

十三夜同伯氏赴舜咨速從氏族叔容甫體健

咸集共拈杜韻賦二篇

高閣三更鼓月流喬木園觥籌宴已積燈燼暖應繁

雪際南山小河邊北極尊虛庭時散策松籟赴荆門

其二

樽綠微搖燭爐熏靜覆書疎梅留好友高檜宿精廬

空谷時聽鳥初筵數賦魚茅茨通一澗隨意到君居

元博得圓鐵相邀同伯氏從弟往會拈杜韻

絲麵初傳椀香蔬續上鑪瓊章金谷叙茅屋石田圖
溪木森相對山雲碧更孤前宵無跋燭此夕俾空壺

書樓

書樓瀟灑擁青林橋上閑居歲月深山雨夜過偏有

響谿谿雲書起自無心棋樽已着浮生住車馬渾嫌上

客臨除却吟詩無一事牧丹花發小階陰

族兄敬立冒雨來過拈舟州韻共賦

東郭春遊阻西城病思催虛庭散綠樹陋巷長蒼苔

好鳥迎風語輕驂共雨來一觴堪永夕絃管易生哀

二十日元博舜咨容甫來會以相見無雜語分

韻余得雜字

巷居少過從節序近窮臘雪澗冷愈清風林暮轉颯
我叔幸卜鄰閑宵頻解榻空甫拋海田舜咨開松閣
經年數離索此日欣並合良讌輒招邀清篇迭唱答
自求吾宗足未遣他人雜前齋爛以陳冠童儼相迓
寒燭棲鴉逼深樽晨月納聊爲北海詠轉成南郭嗒
素業勤切磋俗論任譎諧好結歸田耦擬從者山蠟
莫將歲暮情負此壺與榼

仲舅以詩問疾謹步來韻上謝

病豈悼亡崇眸應哭歿昏家君今白首寒食遣糗村

其二

維揚兄舊過歸騎犯黃昏爲問先生處松門第樂村

容甫自海庄來見從氏適至共拈歸太僕韻

君去雪翻籬君采草映池對門一塔影擁屋萬花枝
落日樓頭酌清風海上詩吾兄騎馬至豁此病中思
晚翠軒宴坐用西涯韻

時花不巧雨相霏晚作晴光巧當簷已遣先生牢據
檻誰教童子數閒簾香熏細草春仍住影襯疎松與
自燕十日無詩還笑我明朝照眼幾枝添

初夏陪家大人會遲軒金丈煖兄弟遊丫溪水

閣席間次金文韻

巾烏迷巖際松盤散閣中叨陪丈人會喜得晚花紅
雙澗分陰壑千松逗夕風蒼厓尋古跡拂藓憶華翁
芙蓉樹次聖文諸君

數被親朋顧通衢有此堂山樓采粉堞苑樹動星墻
微雨琴書潤晚風花卉香松間置樽酒滿酌勸君嘗

伯氏從以辨咨聯枉

高樓問我燕城西日午槐庭下馬齊紫閣千重雲
近青林十里倚欄低落花對酒愁全失芳草吟詩懶
不題壇葉未舒崖瀑小此間安坐到鷄樓

貞陵洞口

貞陵真不遠距城三四里而我晚聞名經年乃到此
歇馬洞門外潛行深樹裏上下數百步水石相終始
山中雨新足磻曲無塵滓黃鳥時一叫林花隨意紫
窮源歷若階臨流隱成几窈窕境會心琮琤泉盈耳
盤陀白以潔散步已忘履壺觴屢遷座巾藜愔移晷
整鋪道峯石合注內院水豈無蕩春澗少此綠陰羨
臨風悅長嘯今人多忽適

挹清亭雨中次中師中尚權韻

酒食同吾子林園得此身川雲初放馬閣雨晚留人

夏木凭欄久春花入谷頻深深瞻北嶽蒼翠四時新
仲夏族兄季潤來過因邀有道共拈杜韻

文藻吾宗富如君更古心有時訪山榭終日坐風林
折簡人如玉題詩字值金前期槐檻月無使費孤吟
謹次暮春宗會用黃岡先祖舊韻

珍帖摩挲未沫芬大家遺蹟出兵氛百年脩楔衣冠
會三月開樽草木醺先祖實惟臨此夕小孫何幸奉
嚴君終筵執爵歌常祿往事城西問白雲歸谷一作

有白雲

申迂翁享夏軌

忽庵諸弟獨能詩漁火湖亭得意時一部唐書歸新
籍自言身受大爺知

其二

洛生之詠顏敷腹破屋常時豐嶂圖六十年来閑事
業許君成就一生迂

十五夜小集竹齋拈韻

西林鐘動喚烟虛樽酒高樓聽鴈餘自有清風開按
席相隨圓月到暗除長時束帶心應懶三日看山鬢
更疎小閣拈梅若笑我雪中香氣逼人裾詠賦自金

新遊永平山水
故五六及之

晚翠軒留沈德器履之共賦閣梅

獨秀愛青條花開較數朝樓香鳥窺戶徑雪客迷橋
色靜書燈白神全驛使遙須君者仔細瘦不怯風飄
二十六日與李翰之普翰同過李潤兄拈杜韻
殘臘前朝雪高齋竟夕陰相將一樽綠感此歲年深
朋友情仍厚文章氣獨沈但須騎馬出容易到西林

次李夫汝行祥除夕寄示作

四十行無聞疎燈照鬢華乾坤晚何有星斗黯將斜
書補今宵課梅憐去歲花從誰說懷抱吾自在吾家
無題

鳥啼十二般聽得聲聲惡鳳鳥在丹山一鳴天下樂

晚翠軒同李潤賦春雪

偶值松樓雪春飛更可憐霏霏亦終日浩浩不分年
細積寒鴉外微銷老樹邊與乘那怕冷斗酒當千錢
閣夜雨飲留青野丈五以舜咨俱會共賦

挽苦傍人怪情深長者知高樓滿詞客好雨近花時
夜出書欄靜春林禁漏遲詩猶忘我拙飲不聽君辭
丑豐

巷裏愁誰語燈前興獨知高松來坐處老石立醒時
小燕因人勝閑宵得雨遲鷄鳴須自強日出便相辭

三疊

仙想樓居見真風酒所知款留春雨夕硬坐曉鐘時
燭影寒猶在窗光白不遲殘秤重歛子信宿未應辭

四疊

亂酌西齋曉冲襟老樹知三杯真快意一語不論時
蒼鳥聽何早隣驂遺故達松溪圓月夜但往未容辭
午飯槐花亭向素沙失路

失路行半日避潮迂十里已着平澤山還渡振威水
春風拂巾幅獵獵亂我耳溝塍斷復連白鷺時驚起
舉聲言僕夫庸才政謂爾孔子尚問津小知安足恃

乙亥二月僕將再委禽於豐西徐家行次素沙

橋下感吟

素沙橋下路是向洪州去春風細草生驅馬今何處

明日當至豐西夜宿亭子村感吟

縫衣苦眼昏字幼令神瘁君昔念尊姑今行亦君意

田禽問答

客程無他聞禽語與始終芳草村合暗風四野同
屢高亦傳天不離春田中年年是何鳥下馬問老翁
老翁謂余曰吾亦聞五節方春地氣暖此鳥常先知
因之盤雲上飛鳴以三時俗名鳥種達傳說止於斯

石堂遺稿 卷之三
午發豐西歷天安邑治暮投成歡驛

十里曲西古邑治長川倦馬順流歸人家日永牛鳴
處田水春增管下時驛路半從山勢走官居多與店
烟依金吾緹騎猶旁午勤念 君玉帳殿疲

歸至隋州衙舍

官閣清樽映客袍杏花未落月輪高使君老不風情
倦夜半傳呼覓絳桃

隋城東閣用岑詩為韻與府伯兄共賦十首

虛館客早起門外歡城道迢迢上高樓綿綿對芳草
歸時擬重過杜鵑應未老

其二

趣駕命僕夫雲際出山城徑取田間道夕風川波生
清淮三十里送人候我行

其三

聞說權元帥據山收大功後來即其地築城以禦戎
恐為敵所樓今人少似公

其四

平生性傲兀不喜入官府直以吾兄故枉轡來相聚
春山似洛中伐木聲許許

其五

官齋夜置酒月高鈴索靜琴歌競逸響默聽依花影
醉倒紅燭前晨猶睡不省

其六

使君踈慵甚在官如在家射帷屏皂蓋彈棋是烏紗
深樽留倦客三日醉晚花

其七

美人顏如薜清歌繞羅幕頗覺金釵重剛愛春衫薄
五馬歸來早雲臺花未落

其八

隋州古雄府須藉近臣重春風擁牙書驛書日聽詞訟

君誠棟樑材老作廊廟用

其九

對酒花近樓談文月滿庭東閣簿書簡中厨飲食馨
珍重主人意吾行已屢停

其十

高閣散煩襟坐卧眺青山官醪味不惡仙樂堪遣閑
慈母應見憶明朝徒步還

曉發果川作此付隋州歸使

趁月追津頭清溪客不留穹林應虎伏曠野已禽浮
山曉微生暈江春遠欲流初暎炙人睡馬上夢隋州

石室遺稿 卷之五
同有后子壽往見三清泉石金會元應淳建到
白蓮峯下淨無塵蒼壁題詩筆欲神夜雨林端千疊
水扶藜還是去年人

示臨瀛令

閑居小過從閉戶同隱淪自從使君來遊事頗紛縟
薄酒解沽我嗜膏真娛賓仲夏十二夜高樓月照人
絲管競引響殺校錯以陳檠燭五更天金罍四座春
衡庵罕見面病臥忘比隣近被兒童恠夜至不厭頻
談諧以送日淹留遂浹旬君來喜方濃君去愁政新
人情信如此殊愧太上真

會元子壽同過抽杜集韻各賦

池閣留人不放歸高林坐看夕陽微時時惡雨催詩
下一一閑雲勸酒飛槐院權知官不進臨瀛太守世
相違翛然萬木楓溪上行與諸君共振衣

新晴聽蟬與厚而同賦

苑樹含風細城雲漏日明殘書留舊客高閣賦新晴
一病身長懶流年夢屢驚乾坤涼意至江漢早蟬聲
厚而過辭次韻

宿雨風吹斷林堂已近秋有心繡簡策無事曬衣裘
久病知交誼端居見世憂驪州今送客幾日更西遊

贈厚而用社集六韻

未解苦雨苦既別旋見面渺渺雲行天靡靡草覆甸
躡屩上我堂徑奪手中卷清風在樹間晚鷺三四轉
酌酒持與君賦詩不須選吟成各置袖但可別後見
一作別後當相見

羅司禦夢輓

從容臺閣見諸公十載 宮廷老蔭同道德獨求聲
色外文章皆出肺肝中跡奇自比穿雲月心泰無聞
振海風未了橋齋更僕語寢門茲夕恨何窮

鄭處士纘志輓

交際談公淺尋常見氣和芝村熏道義泉谷飯絃歌
白首窮經少青山葬士多林園真樂土堂構有賢哥
秋日同青墅丈宋五以金正禮履安會舜洛南

園得秋字

解道小園幽庶幾君子留彈琴松樹晚步爵菊花秋
鳥下三山靜雲來萬井浮騎驢欲何向醉忘竹西樓

送青雲文出宰玄風

聞說玄風縣灾傷最嶺南祗殘十二面纔出蛟龍潭
馴雉治宜古烹鮮理可參丈人仁且老聊卜此行堪
同從氏惠哉拈韻

石室遺稿 卷之五
杖策無晨夕身閑到作君遺骸姑妄語得意每微醺
浩浩西樓雪亭亭北嶽雲天風生夜半松籟靜堪聞

酬從氏

並坐無言久怡然意更真城雲將倦鳥樓月向幽人
松石寒歌枕書淨岸巾王正行禁釀夜酌不嫌頻
有道將盡室入湖暫寓其內兄尹道經心緯宅
夜與從氏就話因步其韻並示道經

林鴉坐聽五更啼始我來思月未西擊柝城門非俗
士挽車田野有賢妻興亡事過腸猶熱名利心多耳
屢提解說風人溫厚意丁寧不是醉中題有道誦日暮輕陰語

以相戒其
意儘好

有道湖駕將戒卜夜集芙蓉樹伯氏從氏子壽
俱至相與賦詩為別

宛彼松間月盈盈見日圓西樓今夜後歸騎大江寒
稚柳城頭望殘梅隴上春初筵賦執葉酬酢及君難
後二日子壽設餞送有道並邀諸兄弟即席次
韻申別

西園相送罷復茲開餞席那將千里別長作數日隔
汚彼石門潭蜿蜒龍所宅生長在京城登車意不適
且坐同飲食萬事元戲劇怡怡兄及弟言笑出肝膈

極知終當去念茲淹今夕

金斯文履迪輓

可惜同庚友沈淪遂九原風流村嶽麓家世祖仙源
氣健人中見情真酒後論少年傾蓋處唯有大江奔

申白川晴輓

寒竹家聲久不衰兒孫意氣少低垂質多嫌世文華
足貌古著人俯仰宜薄產已能隨分過小官猶自盡
心為嗟乎末俗君難得說與悲懷李氏知

華陽洞諸詠

雲影潭

松屏一壘畫難成坐愛寒潭徹底清落日微波惆悵
久來雲去鳥松關情

萬東祠

柱宇山深 二聖祠蒼苔不蝕萬年碑東人尚識尊
周義天壽問前冷雨每

華陽書院

一路逶迤夾澗行奇巖歷盡小橋橫孤高不在千峯
上騎馬悠悠到却平

書堂

遺像巖巖拜院歸柴門几杖宛樞衣華陽洞裏書千

卷零落人間半是非

泣弓巖

水抱巖前想墜弓蒼梧哭望白雲中松聲泉響長幽咽歸告華陽有萬東

金沙潭

數里高低只一川金沙受瀑澹成淵巖間短棹閑應爛漁子迷津五百年

巖樓齋

金作蓮花翠作屏小齋臨水闌巖高蟠桃落盡無人見惟有圓峯萬古青

凌雲臺

邃林穹壁欲憑虛倚杖寒天縱目初金闕銀臺如夢寐五雲長護石間書

瞻星臺

寥寥巖徑近蒼烟兩尋常鎖洞門試向中竇臺上望一天星宿帝居尊

卧龍巖

巨石蜿蜒勢若馳賞前數畝碧淪漪君臣魚水千年少日暮微吟古柏詩

鷓鴣臺

石室遺稿 卷之五
秋骨稜稜暮雲隈下有澄潭一道迴古柱夕陽無限
恨腥塵滿目鶴歸來

金浦啓賢碑次韻

樵牧茲丘勿踐宜教人先讀次州碑山河鍾氣於斯
盛宇宙留名未始奇麟鳳故當毛羽見芝泉仍可本
源知桑鄉俎豆長隣近守塚千年孝子兒

天汝 徽陵齋舍共拈放翁韻

入洞丁寧僕勿譁東風一任幅巾斜 珠丘影靜千
章檜石澗光涵百種花却喜中林瞻瑞靄直愁歸騎
送年華祠官白髮真如我萬事而今不復嗟

成生致龍輓

人間何限失佳兒玉碎蘭摧最可悲見說君家君去
後千年名族一朝衰一作已

闕西秋夜與惠哉共拈杜韻

散步東軒夕黃花夜有光疎鐘分禁陌老樹入宮墻
愜意無深巷容身有小堂秋風看日厲白髮暗能長
已卯正月七日 上候平復春享兼行告由喜

賦示新溪兄要和

人日立春因維時 太廟禋吾 王復常節虔告及
良辰瑞雪天休荐條風 聖化新羣王何事業稽首

上蒼仁

晚翠軒次有后

昨日西樓會投壺最可聽身隨芳草至意與暮雲停
花氣稍侵座松陰恰滿庭
晚翠軒留子壽李鳳來商芝金應德載順諸君

贈別江陽使君用范石湖韻

城頭皂蓋幾時飛三月輕寒透袷衣弱柳那堪征客
別閑花不放少年歸郊原草色臨江遍驛路鴻聲過
嶺稀聞說坤巖前夜雨清溪水潤鱖魚肥別一作折
嶺有后新

等屋於坤
巖為歸計

李進士普翰輓

我與易甫友因而見翰之循循佳子弟袞袞古文辭
壯歲遂冥漠親朋盡涕洟新阡桑梓近魂魄尚來嬉

八月十四夕墳庵聯句

先壙趁秋夕五維時新雨晴松寒瞻露色雨草宿感
虫聲祖考尚眷佑谷兒孫稍長成亭墟堂構責奠寢
室必芬誠家世敦詩禮黷荒踈愧父兄五

錦水

錦水流長碧公山勢不孤奔騰自巨浸控扼信雄都
野澗亭亭鳥城高淦淦鳥行宮何處是落日路踈

踟

道新羅孝子向德碑下

路傍一小閣中有新羅石後來頗增飾赫如前日刻
未若近代人朝豎暮苔蝕文字傳誰信行旅過不式
千秋孝子滿日夕清無極

宿全州

官路倭遲倦欲休北樓繞過是南樓金鐘隱隱三千
戶玉節遙遙五十州防海訂謨城樹合與龍基業
殿雲浮時平八域閑無事按使如今半黑頭

寒碧堂

谷水應千折山樓恰五重梯平承穩步檻峻豁煩育
亂樹村容瘦幽泉壑勢慵那將巨靈斧劈此眼中峯

南原

流水帶方國暮雲仁軌城往時防海寇此地宿天
兵樓觀名人跡山河過客情西風頻擊劍多是憶
皇明

荒山碑閣

自踏雲峯地先問荒山碑遠跡邁宋祿其命類周岐
秋風松檜路出日緬旌旗肅過紅門靜欣瞻彩閣危
翼翼湖嶺界煌煌琬琰辭日月朝欄暈山河繞趺龜

孫僧爾何力百靈勤護持至今川畔石陰雨虜血滋
換舊亭

遠客高秋至疎欄木葉飛巖泉繞爽氣日月覺清輝
縣豈山陰小亭應嶺石稀古人如可見脩竹影依依
竹竹碑感吟

片石千年竹竹名高原下馬夕陽明可憐曹堅稱兵
日闔郡賢豪草底生

治爐途中

野曠村逾伏川長路稍迂東南山水地鞍馬弟兄俱
書院傳文孝官倉記治爐伽椰雲際出宛是道峯圖

海印寺

鐵尾猶吾見榆楹竟孰知游魚依佛靜翔鳥結經遲
鉅刹多年久名山信跡奇祇今雲洞裏學士有遺詩
登伽椰絕頂

秀色撐空元氣浮石門南北盡清秋千重積翠何名
嶽一點寒烟是六州羅代麗朝俱寂寂丹書梵宇兩
悠悠歸逢樵客應相笑不見靈泉不肯休

赴東京由新繁驛村渡洛東江下流

鷄林望何許鞍馬動春暄出日嘉樹郭午烟新繁村
蜿蜒洛江水遙遙達海門羅朝襟帶壯嶺嶠祠秩尊

石堂遺稿 卷之三
敢擬漢津清頗憶錦水宣靈氣雖衰歇昭代未應混
曾聞言舟柯迺在此江源中流感興廢緬慰高麗魂

嶺南樓

樓壓層城氣勢雄江山遺迹古琳宮長懸南國千年
月直駕東溟萬里風積水不離篁竹外高雲欲墮栗
林中眼前物巨難鳥語健筆淵翁也未工

循江止黃山驛治

騎馬悠悠傍水濱雲烟隨處媚懷新明花爛擁孤村
曙密竹涼通古驛春樓觀未窮千里目江山欲寄百
年身店中邂逅萊州客先問南城罵賊人

通度寺

寺在龍巖樓山有塔臺鍊石造成藏如來頂骨
舍利法殿無金身蓋以塔臺為主也殿側有

小池舊是龍宅云

佛骨深藏地春山翠繞重林盤或樓鷲池縮詎安龍
入殿迷金塑登臺看石縫莫令諸國奪永作萬山宗

東京訪古

往跡鷄林故老憑亂山枯井更誰徵逢人輒問阿珍
浦走馬先看始祖陵半月城空春草遍瞻星臺古暮
雲興獨留鮑石傳千劫天意分明示勸懲

石室通志卷之五
鳳凰臺別席得亭字留贈府尹鄭大受存謙
故國生春草山河繞一臺已多興廢感可耐別離催
鮑石荒畦側鷄林斷澗隈肩輿舊輦路大尹送人迴

朝陽閣

日出朝陽閣春深子母川千年鳳不至極目山蒼然

蠡石樓

茲樓顯敞稱其聲落日登臨壯氣橫檐雨滴江連大
野棟雲紫石出層城時平日月元多暇人去山河更
有名好是男兒明白死凭欄何必淚沾纓

義嚴

義嚴以論介名論介以晉陽一妓女造次捐
生遂與倡義諸公留名千古其事甚奇余夜
遊南江繫舟巖下為之賦詩而去

花落聞餘韻江流帶片礫寧論浣紗古更比墮樓稀
夜月開妝鏡春雲剪舞衣連營高測深碧遠望未言歸

洗兵館

館宇崇深枕海濱登樓却憶李將軍書生惹起封狼
志一劍東南倚暮雲

其二

前樓鼓角記朝昏一帶關山擁海門常夜白龍看水

石室遺稿 卷之三
塞元戎野瞻運籌軒

李忠武公遺祠感吟

當世無雙士中興第一勳朝鮮式今日忠武有將軍
獨對關山霧頻瞻島嶼雲麥南近憂虜寨板蕩孰為君

過有麟驤符

高麗末都巡問使金光富與倭戰于有麟西
亭敗死命過有麟驤問所謂西亭不知又按
邑誌栗淵金光富陷陣之處浴于淵者每得
遺劍淵距驛可五里許

折戟頻磨洗玄雲結古淵同時巡問使能有幾人傳

露梁忠烈祠

一片黃天蕩千秋五丈原渠成金不敗星隕漢無存
指日南維靜瞻天北極尊公歸遺恨少終古海潮奔

錦山觀海

南臨積水意茫然回首乾坤四十年天外更無他覆
冒物中唯有我周旋鯤鵬變化空濛霧鷗鷺生涯浩
蕩烟咫尺蓬瀛如可到莫將行止問神仙

虹門

萬峯深處若無門鬼斧千年尚有痕玄竅玲瓏通日
月丹崖窈窕闢乾坤久知造化還真宰枉問根因到

世尊即着眼前滄海濶神融形釋坐忘言

錦山歸路奉趙文和叔明鼎在燕時見憶寄示

作却次付歸使

萬里乘槎客千篇意氣豪歸程春草遍去日朔風高

湧雪醫山翠浮天渤海濤南游方自喜艷繫與見吾曹

還渡露梁向栗元

露梁之水兩頭潮利涉神飈異暮朝山驛浦村歸路

慣海天微雨過龍橋

兔洞尋曹南冥舊基

兔洞名猶在龍亭迹遂空寒溪流正氣老樹帶清風

人物蕭條際星文窈默中陶山回首問我馬幾時東

三月辛亥伯氏惠菽來侍四月甲午從氏及舜

谷到衙戊戌會淨襟堂賦詩

我愛堂名勝獨登常少歡川華情終夕林籟颯生寒

野草遲開席山雲望倚欄今朝始願果襟抱弟兄寬

舅母淑夫人坡平尹氏哀章

孝友淑夫人吾猶及事之皎皎貞順姿婉婉柔嘉儀

集此羣行懿恭遜以為基

其二

貧窶百事難衣食常及期子女無外慕僕婢咸怡怡

長者坐讀書窮愁不上眉

其三

平生內韜德唯有我毋知
清通義君子貞淑真女師
蓋有今亡矣語到則涕洟

其四

貧有所不取窮有所不為
凡以責人者在己皆可推
滿腔慈悲念竟未尺寸施

澁川晚涉

鉅嶺屹南峙寒江流北徂
韜鈴終失手忠義獨捐軀
社稷安危際風塵帝井徒
琴臺千古恨落日滿平蕪

趙子謙光達隨其大人赴燕臨行索別語甚勤

追寄灣上

出門行萬里戎服滿儒衣
匙箸誠應篤柔蓬願不違
關榆秦塞古山巖漢人稀
別後勞相憶風雪徧玉畿
夜發葛山至上柳川天尚未明責僕夫

吾豈若商旅錐刀忘厥身
荒鷄不識夜微月善欺人
暗襲藏戎易童山出虎頻
且從明日始飽秣待清晨

清州

原陸何時盡北風吹客衣
野中間鶴唳川上見鴻飛
落日長橋直寒天大藪微
故人留約久投館忽如歸

秋風嶺

我宿金山地復經黃澗村以茲為峻嶺只是不平原
藤首受龍泉響松根帶燒痕即着前路上人馬捻飛騫
歸觀至杜鵑川上有作寄示金伯剛鐘正

南邑越庭越舊年獨行終日思超然松杉繞出千峯

雪鷗鷺平臨一水烟錯道終生巧乘傳祇教班子遠

登仙西遊辛苦成何事歸至津頭聽杜鵑伯剛實斷

之未歸而伯剛內移不久將離縣故五六及之

春盡記事

水晶川北雨初收黃鳥一聲山更幽小院春歸花事

盡柳陰移上釣魚舟

任存晚眺

亂石千年鳳首幾空林馬迹少人過北臨大野寒蕪

盡西望羣山夕照多伯業終虧齊版鋪義聲猶襲魯

絃歌金州莫爾聞天下曾宿唐家十萬戈按唐史百

任存不下余每讀為之神湧至大興首先登臨

宿無量寺早發

纔有無量佛殿過萬歲尊寺荒香火續僧散紙筒存

夜月遙遙洞朝霞淺淺村行人空指點未若我能言

韓山路中聞從氏起謫為館職之報有作寄示

石室遺稿 卷之三
霜意輪囷繞古城一聲鴻鴈野田平綠岡松竹勢人
宅趁市新荒荒歲情漸老益知身計拙倦遊贏得鬢
華明停鞭忽憶咸關客雪嶺行過苦海橫

過趙達卿昌達止湖別業

大阮平安住仙庄我暫過春風黃犢野秋月白鷗波
昭代元無事浮生信有涯江山踈爽地未覺仲容多

西洲曲爲遲軒族兄作

萋萋碧梧樹翩翩丹鳳羽歧予有所思曠蕩西洲暮

其二

昔我夢西洲今我見西洲流澌十二月強與南風謀

其三

南風不滿旗向晚倚蘭橈尖尖黃帽子共待海門潮

其四

潮進一何遲潮退方且勇總有使風吹回旋不相送

其五

輕舟向北浦渺然南浦去寥寥挹磬樓祇在烟生處

其六

相思不相見怙悵兩心知斜陽空佇立歷歷白鷗飛

其七

白鷗儘清駛蒼鷁安所蟠偃蹇不肯駕更作回颺寒

遊諫議金丈時築山亭次應兎韻

仙鶴亭前半畝塘東風二月柳絲長丈人去作鰲山

客悵悵空林多夕陽金丈時諫在長城

麻谷寺答同行評

僧氣深深太華峯肩輿飛過五庵松春花瀾漫非真

界且看金輪聽水鐘

魚都事錫仁輓

花燭癯溪館逢迎謂子兄周通堪百事疑重類天成

親老斯干掾兒亡敢喪明西郊違相締卧病涕交橫

繕工監直中

北山正當衙坐卧看蒼翠乃知桂笏人偶與山相值

從氏北幕送行後有懷愛谷田居

田舍憐淹病都門惜解携書從關外潤夢入峽中迷

曠野隨蓬轉寒林共鳥棲未論誰得失可耐各東西

壬午臘月一日早起得北書見寄行營觀獵詩

欣慨若有兩符却次

大漠風沙獵獵旗陰山白日打圍時五更夢罷神猶

湧千里詩來事絕奇磧雪行人擅帳近關榆歸騎羽

書遲至今共恨華陽老未奉君玉鶴野馳

早柳

蕩漾東風內今年長幾枝輕烟繞辨色微雨與添絲
嫩欲藏鴉吐織應驚馬垂明朝樓上望滿地綠陰滋
暮春同子壽師中趙景瑞琰閔正甫匡烈申綏
叔光履遊北潯次師中六閣看花韻

芳園杖策草交青瞥見風花已滿庭君且題詩遍山
閣吾今推客問池亭日臨 禁苑依依轉雲護 皇
壇故故停礪曲松聲清不絕人歸留與暮禽聽

師中來邀正甫共拈唐韻

林閣初晴後衡門未午時春來多樂意客到盡幽期
過蝶憐新藥啼鴉選好枝山樓泉瀑細鞍馬且遲遲

又疊

明日春應盡知君惜此時落花殊未倦芳草忽如期
隱几聽禽語聞簾觸柳枝隣朋從懶性折簡起來遲

次正甫夜坐作

宿鳥茅茨夕客歸垂柳關殘書堆枕畔晚飯在窓闌
隣鶴鳴逾靜階花落更閒連峯微月映綽約霧中鬟
孟園觀燈與正甫師中拈杜集韻

燈光生滉漾夜氣得澄虛新火傳應遍明星絡未踈
昇平佳節見遊賞少年如並坐莫催起共君山下居
次韻伯剛重上鳳凰臺見憶作

荒臺春杳記前年故國山河故別筵獨上幾回雙眼
注相思千里寸心傳林城並騎春花早池閣留人夜
月懸勝地逢迎如夢寐憑君詩語更依然

杏園秋晴試墨信手

便便容幾輩雲夢八九寬有時物來觸芥子也須難

贈別元子才書記

赤日扶桑近青天海水高知君有奇氣談笑入風濤

上仲舅次或人韻

簡朴存吾道貧窮見大人荆門遠下馬澗曲清無塵
遯世青山古研經白髮新平生謙讓意未肯上蒲輪

南澗

離離陂麥媚新晴佇立村西夕照明每出東門憐嶽
翠晚過南澗聽泉鳴百家宛在松楸蔭一壑曾經杖
履行六父風流原澹宕世間山水半無名

南澗在忠翼公墓左

外曾祖文莊公之孫命名仲舅為余道造燕古事命余往觀賦詩

濟用監池上

垂釣芳池上凝神一鑑開無人領此意燕子雙飛回

李伯訥敏輔過余直廬賦詩遂次

睡起西樓夕松簷鎮日閑樹陰半清沼雲氣在高山
多病憐淹直長貧愧抱關故人騎上駟求我市朝間

一舟疊

弊監隣太僕並直數聞開案牘妨學道囊金之買山
葵華明的的賜語聽關關君去登樓送歸驂芳草間

夢隱宗老輓

忠烈家聲海上村少年詞賦竹泉門洛陽才子西州
傑意氣羞從流輩論

其二

武侯巾服意何如黃石兵書兩鬢疎七十九年閑事
業故人京洛半軒車

贈李君德輝式入蓬萊

李子名山去時維八月秋雲根千瀑靜霜葉萬峯浮
丘壑身長健文章意未休烟霞携滿紙令我鼓琴遊
早春與有后鳳來過子壽濟監直廬

西園雅集及春還城市相逢拾好顏墨綬暫辭浮石
寺青綾苦憶廣陵山隨緣且可游方內息影何煩出
世間少弟官居無一事清池喬木不勝閑

吳文卿載純書樓同沈一之定鎮趙景瑞拈韻
邀客林軒敞春花坐欲圍孤雲嫌獨往幽鳥喜高飛
話劇真情爛詩清俗氣微可堪芳草夕騎馬各言歸
暮春同沈伯修念祖諸人上西雲亭看花

春城萬樹媚清曠滿地紅霞泛翠微往歲提壺如有
待明朝騎馬不禁飛輕陰兀兀低邊動返景離離遠
處稀歸袂不愁林徑黑高臺心目兩無違

翌日同集北隣

杏花落盡鳥飛回日暮輕衫懶下臺選勝每尋方同伴
往聞閑自到此隣來行憐草徑通園入坐愛風軒回
嶽開詩令不隨觴政廢當筵誰是八叉才

大人晬日譙集席上賦詩仍乞諸公頌和

懸弧令節百花陰鶴髮高堂燕坐深是日同宗齊命
駕初筵嘉客儼成林園松改歲添新葉階草繁春俊

寸心舉目南山青滿戶肯編葩竹入鳴琴

北隣小集次韻送沈士遠公猷還官

積雨隣家阻客違高樓三日見青天招邀伏肉聊相
得邂逅晴林正可憐好句何論烏帽底幽懷自到素
琴前使君五馬明朝發江柳依依不勝烟

濟監直中留鳳來伯修成士執大中竟夕

暇日成良晤高樓雨洗氛投壺駐林景下釣遣潭雲
謝樹森相映荀香儂欲熏新詩公事在不許外人聞
赴兗山縣路次羽化亭命應兒呼韻

荒峽疑無路澄江忽有亭孤槎秋欲泛雙鳥暮還停

雲映汀沙白山圍郡藪青蓬萊如或見伊水政堪聽
赴營宿鷄鳴院

夜宿鷄鳴院鷄鳴起東裝山村固多警石屋最難忘
飢渴親憂紆晨昏吏役忙行行參大府縣事且商量
芙蓉堂按使

七月池堂暑欲殘元戎愛客盡清歡荷香細沁溶溶
水雲影徐移曲曲欄綺席多應映玉節碧簾長若侍
金鸞東臺吏歸何晚歌舞淹留禮藪寬近北小堂

册御長時封
鎖護以筠篔簹

文站劉蕊秀館待燕使還遂安守南玉有詩却

次

不惜枹秋別與君今日期依依燈下語袞袞路中詩
宿館應羞入靈泉共托知夜來清夢境溪水繞村籬

其二

相逢當暮歲一別杳前期且看丹崖字同吟玉溜詩
都供原有例使事欲無知微雪晴還好肩輿繞短籬
送別書狀洪幼直兼示灣尹

飛蓋翩然苦海濱陰冬遠作飲冰身世間多少關心
事行到龍灣問故人

其二

石室遺稿 卷之五
惹秀館中暮雪深送君西去識君心春秋近日無人
讀擊劔聊爲出塞吟

副价金述夫善行臨行索詩書此與別

靈泉一滴憶前塵大史含綸况隔晨歎息乾坤南至
夕還從此地送行人

其二

行人尚說宋天使遺老應忘呂晚村此事年年誰怪
得中州之大已無論

玉溜泉

太史温如玉丹書遂炳靈幽厓通細潤老枯漾深青

滴滴終須滿涓涓始不停那堪風雪夜獨自枕中聽

孤山厚而到縣館之子舍中適有公事數日未

款是夜篝燈處談相與賦詩爲樂

正馬官門夕知君不俗情吹噓真有力潦倒竟無成
然諾千金重行裝一橐輕松峯今夜月應照兩心清

再疊

民牒阻良晤奚囊遺旅情湖亭三日往山木百篇成
寒髻逢秋短浮名閱世輕寒齋送晚飯留客愧官清

三疊

暮角揮繁鬣疎燈語舊情無才治轉拙有志晚應成

新月臨江細歸雲度峽輕
惻然未黑兩將目耿孤清
懸齋得中戚晤羽卿遣開
適遼守入峽歷訪賦
詩而去歸路再過喜次其
前韻以留之

山縣夏無事訟庭生綠苔
常留佳客見忽得韻人來
紅藥開猶在黃鸝去復回
東湖平似鏡晴月可登臺
同翊卿時韞往三聖臺拈杜
集黃家亭子韻

平臺散樹影小閣俯江流
芳草憐移席啼鶯倦上舟
青衫留檻內皂蓋立沙頭
踈宕知君興牽連慰病愁

又用江閣韻

移舟看石壁搖映動江光
殊勝林中望更蕪蓮底涼

青山來不斷白鳥去何長
頗恠津頭樹常含夕氣蒼

又次江亭送客韻

復向亭皋望清江滿意平
勝區聊自適小縣未宜輕
山日題詩下林風繫馬生
誰知雲峽裏還有去留情

六一亭與翊卿聯句

高樹鳴蟬雨乍歸
小亭東畔共披衣
江光隱映真堪畫
五山翠霏微故作
園病起還憐時物改
翊官居
差喜簿書稀留君十日
酌佳境五着處隨緣也不非

湖

秋熱

秋熱乾如旱五 奇雲晚更多 蟬吟頻改樹朝 牛卧不
移坡道側能無喝五 林間且養病直須河漢出朝 露
頂濯清波

雨意

山木靜垂垂五 山雲出谷遲 步郊轉生翠朝 遠水已
含姿 預想披襟爽五 仍思視篆宜無多 殘暑在朝 可
耐別催時五

輦巖禱雨得雨喜吟示翊卿

祁祁甘雨下 壇晨敢道微 誠格彼神 今日真知九
重意向來真喜只隨人

次遼守碧館守示韻

新知古莫樂 並歲俗相憐 迂轡金陵雨 傳筒碧館蟬
孤雲羣巖迴 落月鏡湖圓 良夜懷空切 浮生事不全
遼守別時有既望
鏡湖之約未果

三聖臺送別翊卿

萬木登高晚 君歸當素秋 滄江新雨過 東北片雲浮
旅思長隨燕 閑情未伴鷗 祗應到家日 還憶鏡湖舟

次翊卿留題韻

病客思歸切 朝朝着大刀 輕裝冒秋暑 遠望在林臯
返照山逾衆 新晴江自高 迴坡官柳色 注目送漁舸

石堂遺稿卷之三
再至慈秀次遼守先到見待韻

去歲玉溜側肩輿先上臺可憐送行地難道爲君來
憑雪無時盡微陽幾日回書生雙鬢白寂寞壯心灰

石堂遺稿卷之五

石堂遺稿卷之六

詩

首陽館遇蔡景洪希範要與同宿仍用其近作

詩字韻唱酬

君行不爲者名池歲暮虛堂雪打帷旅宦久曾憐冷
落倦遊應復歎寒遲留者湖海元龍氣道得澄江謝
眺詩短褐清風孤竹館燈前肯顧尚書期景洪云被
留巡相告
之故而
得出

其二

畫閣秋晴荷滿池元戎於此駐旂帷綺羅窈窕明波

石堂遺稿 卷之六
動絲管啁啾白日遲未用沈吟前歲事翻成醅酢故人詩浮生愜意知多少聚散悠悠不可期

其三

海上相逢賦碧池從容旅館似書帷虛槽馬吃踈星大近郭鷄鳴落月遲自笑佩符供俗務猶思剪燭聽佳詩明春準擬歸田去北舍南隣盡好期

追次趙孝承榮順香雪觀同遊作

沈氏樓居迥清風滿袖携開門一杉大隱几晚花低交態從雲變詩名笑斗齋即看桃李下曖曖已生蹊

其二

冉冉春將去堂堂客暫推陰身上下返景山高低坐惜登樓晚行催出郭齋頻添樽底綠莫掃落花蹊

香雪觀與李潤兄士遠約會

過午始出直騎驢繞苑墻相期人已滿並坐日猶長酒所容踈態書厨飲古香不愁歸路暝雲月漸流光用別席聯句韻寄贈咸山通判

東北咸興走三盃遠別離冉冉青門柳悠悠皂蓋隨宰相多黑頭州牧未云奇馳騁論文書記得少壯時能忘席上語庶見路中詩君子素位行循良且自期

端陽上冢

石室遺稿 卷之六
大野風微百鳥吟端陽時節故多陰滄江逝矣無昏
曉喬木蒼然有古今村癘十旬瞻禮曠朝衣三載感
懷新吞聲未敢登阡哭自之前脩遠慕惋

桂坊直中次伯訥韻

天明束帶候辰時自愧愚誠久不襄畢竟登 筵無
一語朝朝學得講官儀

送別子壽夏宜春

奉檄應多不泊悲那堪夫日我行期縣門咫尺昌山
近一夢依依佩鞶時

其二

明鏡千秋照海濱徵君已去晦星文莫言嶺右民風
悍尚有高人卧白雲

秋日與伯訥一之伯修約會吳克卿載紹 貞
陵齋雨同觀泉石一之先期至不遇

挂藜非一曲如此清幽何自愛石泉響不妨山雨多
林丘開枕席觴詠當絃歌漫說城闈近十年今再過
再疊

無事頻相見浮生不樂何來時秋雨足去後夕陽多
上客違同賞中林得放歌西風如會意紅葉待重過

一之留詩目余上
容故還以道之

元夜騎馬至廣通橋聽鐘聲扣雲溪病友三更
而去雲溪有詩追寄却次

十二橋頭月知汝少年時舊伴今何處清輝自滿規
趁鐘那免俗穿陌却忘衰痛飲真吾事相隨挈榼兒

其二

強道踏橋去真成騎馬來幽懷向誰瀉青眼爲君回
南陌喧聲集西林暝靄開獨携街上月留照閣中梅

蔡丞景洪輓

退漁余叔祖每見高士呼稠坐應復應天然愧色無
屬目從茲始文藝乃其粗

其二

同社好奇文裁剪元氣牯平生八大家無味我所欲
畢竟誰王李君誠歸太僕

其三

東槎官製述囚供矢不爲七十連源丞端爲即署資
遺子勝籛金玉椽儘不癡

酬李易甫長句仍步其韻兼示李潤諸人

人生苟可無飢寒做官慎勿爲倉官奔走無以別吏
隸會計猶得聯朝班眞如勞者思息肩強邀良友謀
清權此地古稱小洞庭皇華遺蹟滿江干仙遊峯下

海潮平第一樓中山月團十年離索風塵際一日提
携乃山水間誰識天公壞人意故遣疾風簸驚瀾病客
也能騎馬遠達官常苦會向艱李子文章馬用裁適
見家貧長抱關尚復提毫不知悔寫出長句到江欄
再來政值江漲時肩輿獨自登高還亂雲離披隨白
波斜陽滅没生青山兩岸人家盡欲流八月仙槎如
可攀即事思將畫圖傳幅巾藜杖風林端安得千斛
流霞酒與君爛醉駐童顏

次松湖侍郎散人歌兼示北伯

入城爲達人出城爲散人暫屈宗廟瑚璉姿竊比江

湖鳧鴈身若使隨地異名無不可媠母衣錦施負薪
松湖一曲清如玉上有雲山碧嶙峋茅茨掩映榆柳
蔭若見其人頎而巾知君才氣世無雙妙年先據要
路津御史侍郎觀察使玉珮鏘然華轂轉有官則來
無官去旅食未嘗淹三旬譬彼朱門豪富者口飲梁
肉思菘蓴君不見西江千層浪又不見東華十丈塵
金馬汝南盡詆諧箕山潁水方隱淪龍湖漁父趙學
士去年建節東出闔此時敢道何人斯也須還他之
假存吾真送君行飲君酒醉後爲君歌天民傳說縮
板當明時太公釣魚非青春一朝起來佐天子再見

唐虞功化新丈夫行藏當如是皇天賦予初不貧何
必去覓惠施大樗樹樹之無何有鄉廣莫濱

七月望後同伯氏元博叔易甫及應惠二子泛
舟西江用李白牛渚西江夜青天無片雲爲韻
各賦五言十篇

城中有好友江上有高樓相期不相值五月一登舟
暫將百年身況此萬里流爲問乘槎客何時遇牽牛

其二

卧牛山水亦可名牛渚諸君幸在茲謫仙今何去
壺觴聊自娛文字枉相許怙悵千載下誰復知吾處

其三

觀漁近逐利亂流無東西新雨楊花渡亭亭落日低
得魚不必多收網勿太提但使佐一醉安用扶沙泥

其四

蠶頭嶺有名翠翁詩無雙杖策凌夕霞舍孟俯秋江
誰問南士華同時筆似杜當前有砥柱大浸應不降

其五

散步喜晴沙回頭惜名榭川觀未覺暝吏役忻有暇
勝事足清晝良譙宜靜夜卷幔青山立張燈白鷺下

其六

石堂遺稿 卷之六
暝飯入蓬底避風倚沙汀燈火照江波窈窕見深青
濯纓候明月仰面數繁星神靈故戲劇雲霧忽冥冥

其七

仙峯長在眼粟嶼清可沿夜飲不歸樓自愛江上船
蘋風滌晚暑微雨過遠天無月已自佳有月更堪憐

其八

三更雲解駁浩歌望天衢人代有變移風月無時無
皇華去不迴拊跡空嗟吁却從東海外領取洞庭湖

其九

滉漾湖千頃玲瓏月一片兄弟及友生盃盤間筆研

雲霞遍晦明滄波色屢變矣公眞奮事奇處夜深見

其十

水村鷄鳴早樓臺平宿雲湖魚知我樂沙鳥惜離羣
欲去還復坐舉酒屬諸君羨彼釣魚翁扁舟度曉曛

倉曹感吟

出郭一壺酒登樓天氣晴青雲采暮色白雪動新聲
筦庫元吾事歸田始此生冬暄憂更切擾擾近人情

聞天汝得意

今日天其汝誰憐老蔭官床前三寸紙燈下百回看
擬舉王朝笏著彈貢禹冠神鷹夢澤上整翮暮雲寒

余嘗謂天汝改字再三易皆不可則曰置之天汝
天其汝矣此義亦自佳云云今用其語為首句

辛卯二月筮應為進士三月祭掃先墓記已卯
小子觀南省兩試適值先考周甲年月教以汝
為進士吾當受酌小子竟皆屈焉先考憫然特
許設謙以慰小子今日追思不禁愴涕感吟一
律志小子之不孝

夷路山花迎白牌墓門朝旭散春靈兒孫上隴焚香
遍父老傾村送酒偕百歲那由供一笑歡情無奈半
悲懷卯年設酌徒為爾獨向林間淚自揩
過召文塔下有作寄示東伯

亭亭召文塔一紀吾見汝不知後一紀還來問故處
布衣隨春草墨綬映寒渚空為婦孺羨多愧友朋許
山川宛如昨歲月忽不與一鶴橫空過長鳴求其侶
所思不在茲片石可與語

臘月望日過歲寒亭遇天汝易甫諸君小酌主
人兄誦陶詩歲暮余何言屬余何字

歲寒亭中客如此邂逅何青松始見奇白雪難為歌
竝坐絕塵氛遠望礙陂陲萬井炊烟上雙闕瑞靄多
窮陰耿將暮北山凍更我瞥見玉蟾蜍宛在金叵羅
塵中洪厓子未老髯先皓二李無高論兄亦輟其哦

領取三盃酒爛熳見陽和

密陽兄將發索詩就次送行軸一韻奉贈

間澗若無情以爲同一城名樓果遺我遠道始思兄
紅露盃心凸青蛾馬首迎老人願飲食悃悃不煩聲
閒閒別墅兄弟小集拈安陽韻唱酬

繞過武安廟斜眺舍人山度陌無多遠入林非一開
茅欄臨水上石井出松間礪曲花饒笑青雲鳥獨還

二疊

宛在聞琴谷留者買隱山風林不受暑雲壑有餘閑
野色清涼界城陰莽蒼間須君三月住方許此身還

三疊

憂時同白髮城裏坐青山閉戶當高隱歸田得暫閑
忘形魚鳥外游意典墳間靈壁有時仕金門終古還
同昌沈令輝遠煥之與鶴樓主人期會降仙樓
賦詩聯軸千里寄示舉次書後

二子相逢又沸流風烟落紙動新秋同時隣縣分符
往暇日名區載酒遊蜀國山川閑自在荆臺雲雨倦
應休白頭吟望憐淹病三復瓊瑤當倚樓

贈別李仲羽亨達之任江陵

冰雪嵯峨十二月江陵都護啓行時驅車不見六關

峻執蓋能言鏡浦奇夜靜讀書松桂裏春閑聽訟水
雲湄去參使府應相問道我羨君今一麾

申弟子慎輓

豐頰長髯八尺身退然初若無能人有時話到情深
處露出平生赤子真

其二

埋玉青山絕可悲去年今月哭君兒沈痾未必西河
崇偶值名門祚薄時

其三

大兄收汝淚千行少弟新成近水庄上舍青衫歸不

得金陵寒雨入維揚

店中所見

楚楚歸川店擾擾過午曦
櫛籬顛猶插藟蔓枯仍垂
卧犬不吠客厨烟無定時
吏人在他鄉童子皆易之
縱有高下心安能分寸施
健僕持鞍馬添載乃其私
不思馬力至但恐主人知
門前有鵲巢相承如累棋
老翁頗自慰兒女庶無飢
所求良易足多取彼何爲

樊山寒食

鬱鬱佳城閉不開春山雨露潤枯菱
又看寒食一年過長憶彩衣三月來
騎馬出門聊遠望穿松度壑抵

深哀人心未必頑如石祭罷原頭竟自迴考三月辰

閏三月一日同從叔次兒輩春遊七絕句韻

洪惟歲癸巳閏三月吉日 聖人樂豐呈河水清千

一

又

曬日碧芙蓉浮天負鬼嶽人間夜來兩玉女應未覺

又

羣芳集 清朝幽人在空谷相思兩不隔未月書滿

束

又

天運本無私人生貴自適高材競馳騫下士甘窮寂

又

層闕仁王高 御路青門直車馬待漏院宮柳纔辨

色

又

有命晚猶成無才竟何立但恨讀書少日覺歸田惡

又

翠管長秀枝丹萼展新葉化城日如年春與春相接

孟夏與嘜嘜金文會閔興之百奮園亭是日金

丈取立朝意在東山之語命亭名仍分韻各賦

名園多喬木小構枕山翠時得長者顧日與親朋醉
維夏綠陰成中屢儼相值且看餘花續稍聽鳴禽異
徵詠間清諧終筵無雜事警識嘉樹傳新發東山義
張老固善頌謝傳自高致適來二三子類非風塵吏
却從珂馬陌共作林泉意

用前年送別因兄韻奉贈密陽新使君

相贈見人情言游宰武城長思休息義肯學困知兄
製錦能何有烹鮮意莫迎今人空日計君子貴無聲

僕於別席舉與民休息一語座客稱善

其二

長林萬里情條構鎮層城疋馬昔為客雙旋今送兄
虹橋空自起畫舫竟誰迎和杜餘詩債郵筒數寄聲

送別北伯李季良最中

擁笏趨丹陛寒帷望白山如逢虜使問但道北門

閑

士遠酒席與趙賓客唱酬

晚來山雨歇騎馬到君家難得佳賓顧空罨美酒賒
清風交遠樹返景抱孤花小構頗瀟灑留人觀物華

再疊

感子頻成約憐吾獨在家杯盤情每切翰墨興還賒

簷對忘機鳥階留耐久花丈人宛異爵後輩足詞華

三疊

一蟬清滿耳喬木又東家珠實憐新滴香粳侈遠賒
雅歌聞鄒葉衰鬢對葵花醉飽歸應晚秋晴有月華

四疊

授簡無餘事風流見故家開簾秋雨足隱几暮雲賒
滄海方撈月諸天競散花朱門多曲宴絲竹謾豪華

追寄永嘉後君行中

我友之官路柴門枉騎過臨江情未已踰嶺意如何
柳色長亭暗蟬聲古驛多沈思成獨坐極目暮雲峨

李金浦復主事

嬉戲多公子關門默自成文流宋嘉祐吏迹漢西京
五十金陵守蕭條太學生人間足軒駟裊涕爲君橫

北隣社令置酒夜邀圃丈篝燈來會相與賦詩

下士由來拙高才本自通逢迎三月後問答一年中

卧雪聖音絕披雲病思空玉生眞鳳背鋪啜愧花翁

快可樓主人以永嘉青銅辦酒肴相邀強疾往

赴步社記實

病客可一出今朝天不寒匆來蒲席上鳥語縈林端
小酒情猶怯奇書興亦闌所思千里隔得句報平安

六閣者花遇雨到使園得時字詩成者九人

六閣者曾遍名園到始知登臺花拂袂入檻酒盈危
不負探春意渾忘避雨時諸君且安坐即事可無詩

次士遠韻示嚴顛

多爾春泥屨欲飛新衫帶雨款松扉借花故事真堪
擬者竹豪情遂不違已喜良朋騎馬遠應憐老子出
門稀試從六閣東頭望幾處游人敗意歸

和李伯通義行

相逢自許澤中癯迂老門庭有是迂不向通衢矜逸
足時來陋室甘鴉儒西園雅集花千樹南嶽清遊酒

一壺但使同人知此樂百年吾道未應孤

次贈鄭生在水

鄭君十九氣成霞文采風流見大家當筵痛飲三盃
酒賦得花開洞裏花

伯修宅賦得古松與景瑞相屬用唐韻

傲雪知惟舊凌雲真見每新老能忘大厦貞自利幽人
茂葉生花少疎柯送籟頻但須存晚契便欲結芳隣

南谷成老甲日病未赴會謹賦四韻寄賀

五月林堂梅雨晴百年良會屬昇平何人不重懸弧
歲有子難孤舞綵誠正想盃盤溪上亂遙聞巾舄里

中傾古家詩帖傳南壽壽三世于今始續成

秋夕樊山感懷寄兄弟

馬行出松坡轎行越廣渡朝日箭橋外同上樊山路
我家高祖來骨肉歸茲土尊位先成造近房各自主
五世長松檟百年積霜露香火儂相望衣冠儼臨顧
鬱鬱齊南木交柯繁可數泱泱下泉離源方不住
油然善心生感此秋陰暮寄語令兄弟三復角弓賦
李季良謝事閑居余時過之一日遇圃丈新從

江上歸有詩却次

隱几終南夕肩輿江漢秋蘋風猶滿面松翠不回頭

未老心先冷無官事每幽浮遊吾亦倦隣近數相求

九日與圃丈期會季良西榭共次儲光義韻

喬木集鳴禽華堂易夕陰微吟到黃葉遠望入紅林
自愛秋容澹翻驚歲律深閉門酌令節折簡幸同心

再疊

把杯向夕禽移席坐秋陰暇日頻揮策幽樓偶隔林
籬花開自細砌竹映還深未用登高去恐添搖落心

三疊

高月定棲禽小庭交樹陰怡然忘主客窅若在山林
簪整霜毛短樽新綠蟻深深依明燭裏遙見古人心

過李相國鹿川別業

古壑深深雲氣流相公遺蹟有書樓迴觴石畔松陰
直洗墨池南楓葉稠鹿水明波搖晚照佛巖秀色入
高秋歸驢澗曲重回回首纔得林間半日留

李山陰補輓

五十三年客無人問所存浮名藉縣長實德澤堂孫
蕙蕙如心貌循循出口言風埃難再見十月其驪原

西樹同園文賦詩

昨夜東樓飲未成聯騎未今朝西樹會猶趁煖爐開
傲雪原知竹先春獨辨梅平生遲病在不受丈人催

峒陰守惠酒以詩回謝

白雲縣裏百花精芝草當歸合得成釀少分多心轉
細香真色別眼先明依依瀉透琉璃碗冉冉落開荷
葉觥始覺清高方解事赫蹄小字盡人情

乙未穀朝峒陰守置酒於樓下園亭邀宗族為

真寧會竟夕而罷相與次杜韻紀事

吾宗皆有文吾兄拙烏巧慙慙數見鮮真寧每食飽
同姓匪異人新年敦舊好林園窈以靜晴昊澹如掃
俯仰忽自得征邁忻共討終筵誦行葦騎馬避春草
領樞公又有四韻座中從而和之

穀日靜無風園林意不窮春隨賢弟後酒煖小堂中
客座憐毛異寬衣喜俗同常嫌韋曲會鼎鼎到花叢

次雲溪

聞君東出郭林下少逢迎久澗嫌官熱幽尋愛境清
寒松高不俗碧沼澹生情農野春先及雲山笑屢盟
乙未元夜無月樓下族兄賦示上元月一篇其一
一語云清光先在地永夜獨行天宛轉流動月
在詩中喜甚却次

萬國同時圓神光孰使傳偏明踏橋地自到放燈天
宇內長元夜塵中未百年相君直有力呼月上新篇

申弟子秀輓六章

哀哉殿中君行年四十九埋沒歸黃泉何以拜父母

其二

父母八男女君實爲長子哭子不喪明弟死何敢死

其三

唯斷集百事好潔由天性榮祿本不辭孝友是爲政

其四

耳學可廢書目巧常中規辛苦乃其能突兀願自奇

其五

倩余狀慈德秤量爭秋毫匪直秉心公只是所見高

其六

已矣今則亡思之誰不如平生濟物志暫時克家譽
哀金厚哉

乙未歲仲春上旬日維戊五更天正黑彷彿清揚觀
有如將行邁索文為宿留魂交依落月淚熒聽殘漏
薤歌時在縵贈死部及匱嗚嗚永嘉子赫赫文忠胃
披謁談王霸啣杯隘宇宙心忘原思貪氣壓季子孫富
童年學為詩勃焉造化闢淬鋒免後脫凝神鷄始伏
歷亂珠璣噴鏗鏘金石奏風流洛誦里尉為晚輩秀
病世喜猖狂中道持滿設不令急氣乘遂能佳境造

身窮志彌厲藝成家仍踣筮仕十三載辛苦眉常皺
得邑纔如斗微痾旋不救歸櫬郭門遙陳斂村舍陋
人事劇悲涼天道豈悠謔官貴一朝休文章千古壽
各自從吾好焉用相訛詬君嘗重交遊許心無老幼
存歿偏深感挽誄必先就惻愴多哀音達達沾雙袖
白雪迷空林丹霞翳羽遠幽吟記疇昔不敏愧知舊
春日伯通約子壽應德未過有后伯修不期而
會其次杜集韻

清晨忽得郭南書有意佳賓問弊居車馬臨門聽歷
歷衣巾入室見魚魚春來遊事應相續老去親情漸

不踈莫說歸田被人笑諸生還自帶經鋤

鄭知樞基安輓

平生文識鄭知樞一節還堪戒躁夫屏跡班猶九卿
綴全神歲亦八旬踰青衫北闕回蓮榜白髮西樓
入畫厨爲問當時諸學士幾人屢得子真無

洪陝川章漢輓

窮居忘秩貴拙官任家貧元元一生酒悠悠千載人
誰關明日事竟死太平辰衰俗風流盡追思欲損神

宿山下次前年感懷韻

靡靡古邑墟惻惻廣津渡憶昨奉靈輜痛哭從此路

十年盡髮長萬事悲黃土跋涉如將見然疑中無主
夜臺掩玄扃秋原橫白露縱今日千省那能報一顧
借日新識長祇增宿望數山靜泉常咽月駛雲空住
流光易感人耿與候蟲暮明登不能寐迸涕續前賦

酒席屬有后

鄰社追歡不厭頻三春牽辮被花嗔羨君有馬兼無
病常作樽前第一人

三月五日次舟從孫在衡宋韻

萬死窮山裏那堪此日過忱誠未驅蟻涕淚謾傾河
臣子悲如許君王體若何遙知文石曉星燭照雙

石室遺稿 卷之六
沱

其二

去歲後村哭今年尾所過釋衰混民庶望 闕間山
河日出如將見天空可奈何每思孤 聖眷欲語涕
先沱 最後承宣 特除 處下知入之餘 臣時 兩
目將盲竟未登 對至今為終天之恨

其三

儻忽三年屆涵濡五紀過 貽謨懸白日 嗣德對
黃河臣未攀弓及民如 脫屣何人間 太宗雨荒
峽俾滂沱 峽中時方惜
雨篇未備及

惜雨

昨日風逾甚今宵月似磨春花遲不妨秋來損宜多
野老空占夢山人且養病仁天終一需努力取困禾

謹次伯氏花石銷愁作

青島西來肆好風小庭松石赫蹄中悠悠日月書能
盡歷歷山川夢自通馳往豈曾無快馬畫看端欲倩
良工遙知樽酒登樓夕倍惜花間返照紅

壘寄用即事報

林端樹屋苦多風長病琴書閉戶中獨坐泉聲從自
到深居雲氣莫相通澆腸濁酒收新効上口殘經補
晚工入檻東峯尖似筆朝朝擎送日輪紅

德兒借寄晉帖觸物書懷

陰陰園木轉黃鸝四月南風拂面吹瓜圃麥田大好
在晉楷唐律要何為誰無父母空勞瘁祇有弟兄長
別離偃息蓬廬偏 聖德此生盡是訟愆時

附伯氏和韻

京洛初聞四月鸝君書忽到好風吹拙於處世有
何願除却灌園無所為不必林居成市隱猶賢死
別奈生離多情池草年年綠日日相思十二時

布衾新成

蒲茵松枕俗情微井臼蕭然帶晚輝自是山翁貧徹

骨丁寧不受外人譏

其二

生平喜道始親知死殮何須錦繡為異日兒曹如念
我樂園夫子有清規

麥場申祈

去年五月麥始秋今年四月麥已收男婦飽食力如
牛耕耘及時更何求八方順成民無憂 聖人南面
與天謀黍稷稻粱農夫休十風五雨得自由

誦詩

柴門終歲斷經過墟落鷄鳴綠樹多晚飯不愁山日

永施詩三百當商歌

買鈕

終年安可乞人鋤朝日青銅遠趁虛却向閑中生一
事晚風微雨理園蔬

晚耕

千種草花捻是情百般啼禽竟何名幽人睡起還無
語徙倚松簷看晚耕

叢菊

叢菊何時別漢城烏莖青葉眼偏明花開待到重陽
節百匝東籬喚作兄是伯氏庭中分菜者

庚子暮春得舜咨同遊野外呼韻相和

短策登山晚輕驟出谷初吻吻隨野鹿潑潑賦潭魚
林暝異人迹出高隱者居同君遊數日幽事捻堪書

種桃

山日曛曛出未高薄寒猶自透新袍田居動被鄰人
笑拋却傍籬盡種桃

黃菊

黃菊花開有所思辛勤遠自故園移繁霜九月星星
在空谷三年淡淡隨中色政宜方綻見貞操何待既
枯知白頭岸幘西風裏真荷皇天一物私

信筆

萬古摸形別色聖人開口即理莫道閉門無見頭上空處盡是

花場

何笠田翁忽我過怪來春色每西家亦知種麥能收麥那有時花不見花

黃花一篇簡伯氏用前年韻

黃花欲發苦相思兩地秋容一本移繞砌幾時藜杖倚閉門終日瓦盆隨也須懷抱吟來見未用風光折去知注目翻成朝暮遇霜天獨立戴鴻私

雙溪

杖策雙溪多景斜白雲紅樹是禪家明年四月南風起騎馬來看芍藥花

哀達卿

剗巨同時已斷魂生能相見尚堪論無端涕淚廬中語豈謂君亡我獨存

癸卯三日東庵次兜董韻

小等禪扉近良辰宿雨晴三年方一出二子偶同行鑑髮寒泉住承趺細草生山花消息好來日是清明

感君恩三篇

感 君恩觀冷泉水清沙白可溯沿長林鶴去唯餘
窟古洞龍游或在淵倚杖石川橋上望月留之壁高
插天

其二

感 君恩入俗離一酌福泉療我飢金刹自依峯頂
龜石門應護庵前獅世人謾說小皆骨不到雲藏終
不知

其三

感 君恩訪華陽自我不見今卅霜遺像入院書堂
空 皇祠金碧何煒煌潭到仙游觀止矣龍游儘詭

道阻長

次韻黃澗進識

兒子蒙 恩宰勝區四年三月始來遊朝看雲裏潭
潭壁夕宿林端靄靄樓白石清泉同是養豐衣美食
更何愁餘生到處皆 君賜快意回頭敢自留

泛波亭次板上韻

丹樓翼翼出疎林下有澄江清客襟庶見山人來喚
酒端教賢宰嗚琴風鈴遠泛青峯色烟鏡長涵白
鳥心入峽輕裝真不負昭陽遊思浩難禁

龍潭

石室遺稿 卷之六
隨處成潭恰受溪僧言夜雨瀑流低盤陀石上跣趺
坐誰管山門翠鳥啼

槽潭

水豁石多又一溪崖回林密不嫌低風湍咫尺迷人
語斷送山中百鳥啼

五湯限韻

峭壁見天高邃林覺地夏盤石轉清水五里纖埃淨
上湯側成臼下湯圓涵鏡奔停間若一窪凹同蒼勁
僻居竟誰知嘉彌紛相命披雲問樵子倚杖梢高詠
獎帚視千金荒塗迷七聖

仲夏余入洪峽見從叔同觀三潭五湯一由旬
而反從叔送至巢鶴亭臨江遠望如不勝情此
日此事不容不志馬上吟一絕輪示二家少年

江路停鑣客亭臬倚杖人縱令高手畫難狀寸心真
附從叔和韻

柳絲堪繫馬鳥語解留人拂袖渡江去清江倒寫
真

夢言

杏林寺前杏千株所見殊絕世間無香葉宛轉沈檀
膚粉辦照耀珊瑚鬚春衢走馬爲誰忙一路芳草鋪

石堂遺集 卷之六
烟光東南白花泛天涼目朗心清興莫當坤輿中圻
却立視碧流箭激青銅似蜿蜒絲虹橫空起攝衣平
行坦若砥珠宮迴與孤霞舉綺窓窈窕聞仙語近簾
高樹開如許徑就其下無人阻手攀瓊枝坐苔根異
境恍惚難名言十丈桂華迎朝暎萬點梅蕊破黃昏
君不見鶴林園裏杜鵑花烘日燃山多復多蔭薄叢
短奈爾何秋風結子還蹉跎

黃花書懷上伯氏復用前韻

思極成蕙夢還思我心匪花不可移殷勤問子何年
至寂寞憐吾鎮日隨林風漸高好自在山月初白教

誰知焉得連枝映樽酒離邊爛熳說情私

竹山道中

風雷不為異吾王聖且仁荒田蠲賦稅愚婦誦絲
綸夜雨氛埃宿朝曦品物新中原行旅晏一境霽涵
春

入湖

十月山寒薄霜葉未肯變旅人各瑣屑老夫敢偃便
依依野店盡冉冉川路轉征雲望京國唳鴻覺湖縣
微雨鎮川開落照西原徧阡陌迤陰陽昊天臨遊行
防疾須樂裏安神賴經卷飢渴憂何有嘯詠興無倦

石堂遺稿 卷之六
情迫與親祭禮宜觀婦見勉就板輿奉彌結 瓊樓
戀

鵲川

羣山遠如伏大野中自盤輕颺生馬首夜雨鵲川寒

陽山三絕

江口

碎礫令人厭長川最薄間數峯青滿眼知是近陽山

石棧

棧石動未安江水來方勇脫峽馬如飛夕陽明畫棋

喚仙樓

竟夕闌干曲長風空外來喚仙如可到騎鳳向天台

飛鳳天台皆
是處山名

按廣堂王按廣竟不知為何人至
今以避寇傳豈非幸與

伊軋肩輿上古臺憑高望遠意悠悠寒空壁執手尋

起初日霞光萬里開獨鳥平臨羅濟盡冷風直拂斗

牛迴林顛老石應千劫誰記襄翁此舉杯第七一作
鼎林老石

僧歸
後

朱溪簾嶺

喚睡亭南水演漾涵晴昊迤過內外山壘成前後鳥
漆巖儘奇詭簾嶺且徑造神鰲出頭乍脩蛇見尾早

松臺已字裏洞天弓影倒萬變歸並觀陰陽本相抱
未悔歷崎嶇流恨泛清灝宿若在蓬壺步步拾瑤草
矯首望赤城明霞粲可掃

駕鶴樓雪後登眺

鶴樓竟難忘一上一軒然俯視秋風路高吟暮雪天
長川生紫霧遠樹入蒼烟惆悵城園在停杯問邑遷
隨遷而樓遠不能
隨意登臨可恨

十五夜步出臨清樓看月吟示兒子

黃溪夜靜月華白散步中庭天宇寬老去豪情除未
得臨清樓上倚欄看

題月留閣

藿根客還來宿舊堂湖山無恙繞欄傍一床書卷盈樽
酒遮莫并州是故鄉

歸路書懷示真兒

昨夕無點風今晨天微雨從茲至歸日庶幾免寒苦
林旭忽透紅崖雪欲斂素大陸莽如掃行人去不住
翻思疇昔夜朔吹一何怒末期即衰息那由致跬步
沈憂成失喜陽德施陰沍倏過雲橋村已及文山渡
上蒼本自然浮生儘多故憧憧去勿思俛仰安所遇
東軒杜鵑一樹經霜始花

石堂遺稿 卷之六
強詭凌霜發偏憐待雨花飄零千樹盡澹泊一枝斜
稍稍迎朝日遲遲倚晚霞歸餘春色剩應祇在山家

記異

無懷山下桃千樹解事今年盡不華落日漁舟青草
外誰知雲峽有人家

東庵為藥書事

水碓聞人語禪堂隱樹梢名花還舊價異鳥當新交
野禮衣裳簡田居耒耜拋巖扉從慣眼祇少月中敲

四用黃花前韻

中林歲暮愴何思落木征鴻性不移風牖鉛朱踈影

入霜籬舉白晚香隨貞猶怕冷存新省迥欲離羣信
舊知但使殘齡少憂病判無閑夢鬧官私

甲辰十月之旬余再到泉上後十八日從叔古
里去路在轡相過同見冷泉鶴樓之勝仍用從

叔迎李生詩韻唱酬

前年有約不同行喜處今年事乃成泉上催輿凌雪
色樓頭移酒倚簫聲逢迎桑梓情猶切悅仰湖山樂
可名欲去還留須信宿寒雲西北擁重城

贈別

雨雪江湖悵遠離華堂酒煖去荷之留章故是情中

語淡到相思未見時

明寂西樓

望嶽深深雪循溪緩緩輿名籃三宿果凉月萬緣踈
窓磬隨金鉢龕燈映貝書危欄縹雲氣渠亦好樓居

青山縣齋小會

衰暮分張歎此生每年花樹不勝情白雲今夕青山
縣斗酒相逢似洛城

上元次知縣韻

可惜一年一上元閉門吟病到黃昏未厭綺席張瑤
三爭及松橋倒瓦樽禁酒繁華應歲歲農家候望首

村村兒孫踏月歸來晚春夢依依入故園

聽瑟

寒泉心靜月明時錦瑟無端攪客思自愛昇平與民
樂不須彈到步虛辭

春分後一日大雪遣懷

簾幙初猶灑階庭轉不融浮浮凝積素黯黯暈遙紅
密靜情逾隘虛明望忽通瓊花滿天地催得幾番風

其二

密勢全欺麥餘寒臘勒梅當時應自熟來日亦能開
樓閣晶瑩在村巒合香迴梁園看玉樹思伯意難裁

其三

花花皆六出造化得無勞曠野來仍緩低空下益豪
靈龜渠不食猛虜爾安逃正憶東江水春風已沒篙

中山

舊傳洪直提學將赴京詣翼成公自陳今使
臣皆以畢婚嫁人差遣而某實有女寄養在
金將軍家公曰 王事且期迫不可易茅社
也公女當令吾子娶之即少尹公也金將軍
家温皆鉅萬無子盡歸之少尹公此黃氏有
中山之始居人云

中山界湖嶺奧曠絕塵氛宗臣儼祖豆子孫樂耕耘
野人談古事過客吃咤異聞緬惟翼成公實佐堯舜
君鼎鼎調元氣旂常著殊勳百代奉遺像一區被清
芬入門盡肅恭揭帳先睹欣添鬚映踈眉和氣春風
氤 神孫再聖德十載一憂勤何由作九原對揚
八垓又聞吾先祖來居某水濱荒墟入指點故老致
殷懃茲事固有理徵信恨無文悵後人心躑躅林
日曛轟轟白玉峯峩峩上有雲俛仰傷今昔浩歌倚
微醺

乙巳三月六日兒子蒙 恩移金城余同伯氏

將入金剛四月四日抵縣作

寤寐神仙窟蒼茫七十翁精誠能自到路徑乃徐通
小子名區作難兄白髮同翻思遲暮日無力補皇穹

觀金剛内外出可林

關路蒼蒼走漢師連山澗遠意俱遲此行免被風烟
累着盡金剛不賦詩

附伯氏和韻

高山仰止是吾師歸路斜陽步步遲行年七十成
何事萬二千峯一首詩

金水亭

不向白雲去徑尋金水來溪居少此比峽勢曠然開
風珮泠泠在霞城冉冉迴彈琴人已遠落日滿亭臺

玉屏書院

錦里仍祠屋蒼屏是洞門風霜一氣浩山斗七分尊
逝水情何極深林路不昏懸知千載下松月照窪樽

入雪嶽

海上名山入夢頻高秋鞍馬老年身但從兒女婚姻
說早已風塵二十春

寒溪

芒鞋新自九洲迴冠珮森嚴仗衛開百疊屏中千尺

水祗疑雲雨下陽臺

水簾洞

琪林競出碧芙蓉溪路千重復萬重雪色盤陀三十里不知何處是晴峯

萬景臺

高臺迢遞馭冷風紅葉千峯自不同鳳石峩峩秋色遠伊人宛在閉門中是有大 小閉門

出山

病子晚猶見淵翁得暫栖清秋辭鳳頂落日下麟蹄雪壁愁方遠風潭惜屢低晴空撐一柱入路記寒溪

繼祖窟絕句

夜半聞天吼達摩稽首遙中間墜動石試爾來搖搖暝投神興寺

肩輿伊軋入松行山寺鐘鳴暝靄平未見飛仙神已

醉娟娟月上權金城

洛伽記所見

南海亦流東五山青不窮方壺圓嶠對盤石普陀同紅日果生水碧空何自風波濤遠無極直恐與天通

義相臺

山路穿松盡圓臺入海長寒空撐劫石絕壑界扶桑

閉目神逾沛搔頭興亦狂丹樓駕白浪萬古遙相望

過藍橋

朝元峯下挹清芬葛驛藍橋盡水雲歷歷漁樵詩卷
重教人何處覓徵君

合江亭

東峽天如線交流會不期平分兩岸雪並作一江漪
瘦石波聲上疎林壑勢歇亭中朝暮趣唯有谷雲知

谷雲手書退之波濤夜俯聽雲樹朝
對卧一聯揭之亭壁後人不能易也

又次板上三淵韻

二水交相見孤亭百尺泉洞陰斜穿樹簾影倒聽濤

白鷺灘邊入蒼巖石上逃隋清幽意是欲去更凭高

登昭陽亭

何限朱欄映碧灣林丘圓爽出入間金波隱約蓬壺
水嵐翠連綿猶國山望海纔窮千里目登樓暫破百
年顏西風拂袂清平去天末孤雲若可攀

宿慶雲山

居士遺址舊在西泉上圮于水又有遺骨一
節供奉巖間後人傳玩歎息以為仙也今並
漂失同行深恨之僕為賦此以祛其惑

居士幽棲只此間清平山色插空寒白雲不逐鷺瀾

畫青骨何須要後者

益城冬夜奉伯氏踏月慶陽樓下遂步往披襟亭相與賦詩為樂命知縣殿軸志喜

歲暮寒猶淺心忻體自佳青霄透霜月白雪迴官街
輿馬歸時備盃盤到處偕灘聲與林影高詠遣幽懷

再疊

徙倚遍亭柱夜徂光景佳連峯圓抱縣高月正臨街
勝境情無厭天倫樂孔偕十年今始有歸去更長懷

上元庚申

天上無邊月林間自在人團圓賴子姪邂逅得庚申

倚杖蟾光滿啣杯桂影新三彭飛不度萬里絕纖塵

登樓

荒峽蕭條統雪雲數家烟火共寒林十年伏枕名山
夢一日登樓故國心皓首劬書憐計拙青春縱酒感
恩深兒童慣識先生意怕有柴門客子尋

唐韻

陽和

東峯紅日射茅椽衰病經寒又一年巖徑熒熒猶帶
雪林墟曖曖已含烟初無適莫非安土渠有行裝可
問天細看陽和平物我禽聲草色捲欣然

宋韻

黃菊今年盛開五用前韻自遣兼呈伯氏

始至零皇耿我思隣翁未許一莖移稍分剩馥家家
遍旋補孤芳歲歲隨瀾漫同時誰與語辛勤長日爾
應知自求衰盛人何間上有天公炯不私

和志齋八篇

族兄季潤自海庄遠致秋百花酒一瓶仍用
僕往年謝白雲花醪詩韻賦八篇並與近所
為採秋百花記文送示赫蹏小字誠款藹然
俯仰今昔忻慨交切歷叙其採釀寄惠之事
一一酬和兼說海山秋色以堅來意

老人愛惜秋花精百日殷勤一日成趁臘正思香仔

細拆泥先着色清明捻收鉛汞歸丹竈融化瓊瑤注
玉觥牝牡陰陽誰解得八篇強半暮年情

其二

陶器其良秫米精後天冲氣沕初成香傳蘭室春風
動書到柴門夕照明清並梅花臨曲几懽同藟葉映
深觥山中此事何曾見唯有吾兄不世情

其三

思人遠道欲疲精日日看雲午睡成老去音容常隔
絕窮來親愛轉分明却從茅屋傾三盞還勝梅堂送
百觥舊札長留雋尾帖摩挲十載不禁情

其四

小字連珠老更精
草花真訣巧編成
新工已入蜂鬚
細妙理還憑鹿角
明百種秋光開筆硯
十分春氣動壺觥
酸甘辛苦應相濟
深得神農利物情

其五

野夫何有服黃精
大藥山林竟莫成
始信尺書金抵
貴誰憐文髮雪
添明玄譚不隔雲
霍霍靈液如同滿
滿觥煦沫江湖均未忘
百年今日見深情

其六

服食區區徒斲精
萬事由來貴天成
誰能洞識陰陽

秘自是先者利害明
更僕他時頻折簡
盍簪何日共持觥
野田繩政同兒戲
遙想吾人遠古情

其七

未論玉潤與金精
開界工夫養得成
身外并沈都不省
眼中涇渭瞭然明
春風自到觀梅榻
秋月長隨泛菊觥
我憶君時君憶我
海山雲物起遐情

其八

東方諸佛運元精
海上雲根蠹蠹成
朱夏尋常白雪色
清秋照映丹楓明
老兄還欲理雙屐
愚弟寧辭浮一觥
日夕衡門候遠駕
商量不是今人情

記云凡草木稟性不類人物之有雌雄牝牡各於其根株枝葉之間自有陰陽而未稍精英之氣萃于花實花之形體有萼有蕊蕊為陽為牡萼為陰為牝其一粒之實在花房之中萼與蕊以其滋液日夜開闔網緼養成一粒之實此仙家身中夫婦化成金丹之妙又因服食者之言以為春秋之花皆可釀酒春花有補陰之功秋花有補陽之功如鹿角解夏麋角解冬茸之功效有陰陽之異者然補陰者未始不為陽而補陽者未始不為陰也

曰采花自立秋始朝起杖屨出信步逍遙於野田中百草百穀之花交發競開奇葩異香馥馥襲人遇花則坐而採掇先佩繩三四寸者而垂之得一花則一結繩得二花則二結繩澗溪之草不知名者甚多其中必有藥草平溫寒熱有毒無毒之性不一而合而釀之則都歸於太和之功而大有益於人妙人妙理妙境妙事種種解頤誠有不可沒者撮其大略附之詩後

養真堂三十韻

結廬大山下荒寂少塵緣亂石蕭蕭草叢林點點烟
初來愁欲絕久住澹生憐混跡漁樵裏忘言鹿豕邊
漸能安井碓誰更選巖泉陟嶽誅茅遠開墩架木偏
樓容棋局小閣護簡編聯北牖夏涼納南榮冬暝延
拙謀良易足癡習豈難捐華屋俄風燭名園宛壑船
藜藿同一飽文繡競爭妍鼠壤事猶在鷦枝樂亦全
杞籬連菊塢瓜圃間綿田閑務歸三徑遐情寄數椽
秋臯霜葉爛春陌露花鮮宵壁雲常逗清空月自懸
村村鳴鳥樹水水躍魚連俯仰有餘地優游無別天
唯應多暇日未用惜流年牢落乾坤內衡門歌浩然

比歲賦黃花疊至五篇而兄弟團會炯然如獲
花之助也更用最初絕句韻以自慶焉
歲歲緘愁遠入城今宵飲酒到天明燈前萬朵應無
睡閱盡風霜始見兄

其二

連床無復夢京城細菊清樽山月明見在還從過去
說九秋何日不思兄

其三

東籬物色宛西城遲暮同憐白髮明到底花神能念
我餘齡長得對阿兄

哭荷堤
殄瘁詩成淚滿巾
青門回首柳條新
空將寤寐君民念
還問鄉廬放逐身

哭雲漢

一出都門兩不聞
君應憐我我憐君
流離未恨幽明隔
榮辱誰言顯晦分

戊申八月癸卯蒙 恩起田間為仙槎令乙卯

抵縣作

雨露虛生枯木花
恩波秋泛海門笳
此身未化遼陽羽
即事真兼博望槎
巖濤聲鯨外
小佛庵山色

鴈邊賒橫天十嶺
平如砥頭白低徊暮景斜

望洋亭

水伏村中水伏翁
望洋亭上立秋風
眼前世界寬如許
更覺乾坤造化功

其二

入亭不見一塵吹
萬頃玻瓈案上危
無限風烟無限水
往來唯許白鷗知

知即軋知
大始之知

越松亭

亭前松樹盡為風
損今則只有三四株
婆娑無以領其佳處
可恨

石室遺稿 卷之六
明沙遠海綠於苔默想松間隱映來安得赤虬三萬
幹畫欄東畔拂雲栽隱映來一作點綴回

石室遺稿卷之六終

遺稿序

窮理自於經載道依於文行其所學見於政經術文章政事此三者通而上下者也夫口能言天人性命之原而不能於文章能於文章而不達乎錢穀甲兵之事儒者之蔽也古者士通於此三者故本之以經術而文章治文章治而所以施之於政事者沛有餘地譬如雲行而雨至雨至而水漲也近世以來此三者各自為一事不能相通是以經自經文自文政自政惡能為有用之學哉故苟能通之其名曰備若故承旨北海金公豈非所謂備者耶公為人沈深有雋

氣聰明過人自爲諸生時先入經術以謂文出於道
道在於經故其於經必究觀聖人與深密微之旨歸
辨論開張於是見益高發而爲文辭有源有委然亦
未嘗去文章家尺度繩墨一字一句方下力時其鍛
束如張湯趙禹之治獄而厚其積及當施爲猶射者
發之於持滿之末故公之文章字重於千句人鮮克
舉之也夫精悍沈密重厚蒼樸古有班孟堅而公乃
如之豈不亦偉哉其爲詩沉實雅健不斷斷爲水月
鏡花之玲瓏而境與情相稱肥瘦均而不偏於中邊
非如世所謂詩輕盈若東園之花朝榮而夕悴也公

可謂盡其能於斯術者矣雖然文章一藝也不足以
蓋公公雅有經濟才所蓄積蟠鬱宏深往往論天下
事懸空摸揣捷中機宜如桃榭問答其金鳳之一羽
也顧老不偶落拓沉屈亡所試之意鬱鬱也及其舉
甲科初開鴻遠則公春秋已五十矣材益老智益鍊
使公持此蘊抱冠委貌進而立乎廟堂之上得行其
所志功施豈少哉不幸遭罹世故流離擯逐荒江之
濱絕炭之中前後十餘年間窮阨甚矣而至竟海上
一官逢霧露有去而無歸嗚呼何其悲也蓋嘗論之
公於經術文章與政事既備有之矣而當時之已著

後世之可傳獨在於文章此雖非所以蓋公者然使
後之讀公文者知公之文章上出於理道而旁達乎
經綸不爲無用之空言則亦非所以不蓋公者也公
之成文章在 英考盛節當是時大雅君子與公并
起治古文辭非聲藝苑彬彬實有其文采者肩相比
也而至其必傳無疑指無先公屈者漢雋與公爲異
姓兄弟之親少嘗從公遊慕其文章終亦以爲百年
後依稀微眇之中其存者必公之咳唾也公文集共
六卷嗣子箕應應之謂漢雋宜有一言漢雋固不文
然自謂知公深深於衆人以故不敢辭爲之說如右

云

聖上即祚二十年丙辰春戚弟杞溪俞漢雋謹序

先君子雅不讀秦漢以下書尤不喜爲文章所著
述絕少其有不得已而發亦不自愛惜雜投之箱
篋中今其存者掇拾散佚殆無以爲書嗚呼先君
子名行志業百無一見只此寂寥數三沓又不忍
其泯而無傳也及小子爲郡于醴直取所收遺草
舉以畀之剗氏不復彙剛如李益齋亂藁錄其
情之戚覽者當怒抑吾先君子老猶力於學即柴
課可知晚忽愀然曰吾於爲學亦有愚得本不欲
妄自立論今朝暮且死盍一言之乃推明學之一
原禮之大用附以下學上達知行並進之術試演

十數條合爲一統文字纔及三篇其緒遂絕今特
附之篇末以爲之終嗚呼此又未成之書尚可曰
不泯乎哉甲子仲春不肖孤篋應謹書

